

懷德縣鄉土志

昌圖府懷德縣鄉土志

初稿

歷代建置沿革

禹貢青冀二州之東北境舜分九州為十二遼以西割冀州東北境為幽州遼以東割青海外境為

營州孤竹居其西極東則肅慎氏之故址也

魏源聖武記孤竹國今遼西錦州府地肅慎國都即今寧古塔地

縣治當在肅慎之

西界內商周之際或曰息慎或曰思慎仍肅慎故地思恩皆其轉音春秋戰國時近東胡地秦漢則

遼東四郡之北境後漢為扶餘國地

後漢書扶餘國在元菟郡北千里南界高麗東界挹婁西與鮮卑接壤

歷兩晉南北朝及隋統一

天下為契丹靺鞨之南鄙或有時為新羅地唐時設黑水府都督府後渤海大氏盛取其地改為扶

餘府遼置信州彰聖軍領武昌武定二縣屬東京

二縣在今彰旗縣東北

縣治或主之然當為黃龍府屬地科

爾沁旗東南二百餘里有隆安城或即黃龍府之舊也

明統志

定九年更為隆州貞祐初升為隆安府以時與地驗之龍安當為

吉州西北皆黃龍府地也咸京通志一說黃龍府在開原縣

曰賓州州近混同江若開原則去混同江六百餘里金太祖安能

和六年充金主登極使行程錄自雄州至上海會寧府道路皆所

里至興州五十里至銀州又四十里至咸州自咸州四十里至肅

里止信州又九十里至蒲里亭董寨自蒲里四十里至黃龍府自

此身行計凡四百一十里瀋州為

今承德縣地銀州則鐵嶺縣治也又八十里之肅州即宜為開原縣又北二百餘里疑即縣治之西

界又聖祖東巡云烏桓山嶼間即古黃龍府地又似在咸遠堡邊門外伊通州界內若然則實

為縣治之南境

張穆蒙古游牧記云以地形診之黃龍府故址當在今柳條邊外昌圖府東北蘇

爾蘇河之北岸此說似為有據但湮滅無考不敢臆度耳若謂之今開原即古黃龍府地二說互異

未知孰是金為咸平路屬上京滿洲地志安邊府領安瓊二州滿洲源流考云遼之安州即渤海之安邊

府金之歸仁縣而隸於咸平府謂此地應在開原邊外松漠記聞云由信州二百九十里至於安州

之南舖店大清一統志謂信州為越喜之古地當鐵嶺之東北界按由信州東北二百九十里則當

在現今吉林興盛京疆界之近旁縣治即其地也咸京通志興蒙古游牧記皆謂信州即今之鳳凰廳其基址皆有可考若由鳳凰廳東北二百

九十里距吉奉兩省元為開元路止境明設努爾干都司領外衛八十有四武八年設遼東都指揮

以領各衛改元之開元路地為遼海三萬二衛其迤昌圖府即明之遼海衛其石碣尚存又北置福

餘外衛以元後元良哈為都指揮掌衛事實即科爾沁旗部落之緣起其旗在喜峯口東北八百七

十里至京師千四百八十里與札賚特部一旗杜爾伯特部一旗左翼附郭爾羅斯部二旗統盟於

哲里木按科爾沁旗地東西距八百七十里南北距二千一百里東至郭爾羅斯界西至札賚特界

南至盛京邊牆北至索倫界其境內分兩翼翼又分前中後旗凡六旗縣在界之極東南處屬

左翼中旗乾隆四十九年理藩院奏准科爾沁旗達爾漢親王地方游牧商民居址近開原縣者即

交開縣管理同治五年設昌圖廳劃歸昌圖界內光緒三年昌圖改設知府於昌圖府治內東北境

人家鎮舊有經歷員缺改設懷德縣隸昌圖府大抵遼東之地雖經唐虞分州而後歷史有徵然終

以奉天錦州遼陽等處為有據若懷德縣治為遼東之東歷肅慎扶餘莫丹靺鞨新羅諸部落或割

據爭雄或稱藩附欵本徼外之地隸徼外時為多茲僅溯其崖畧云爾

政績

張雲祥

興利

字集亭四川人光緒三年改設縣治公首膺斯任凡諸創制皆擘畫周廉以持己誠以待人不移言興革而民陰受福尤喜甄掖士類教人以敦品為先軍憲崇實知其樸誠可任事於其任內調任江東五常廳一帶查訪秘件便服携一僕往返兩月餘事皆得實洎任五年去後人皆思之

章樾

聽訟

字幼樵河南人光緒十一年調署本境發覆摘奸獄無留滯惜洎任止十一月

賀塤

興利兼去害

字筱樵山東人光緒十二年任本境十七年創立輔翼書院就文昌宮正殿為講堂兩廊為齋室稍加修葺捐廉銀四百兩又勸捐銀千六百兩束錢七千五百千按每年一分六生息成本不動計所入之利充山長薪水生童筆獎賞膏伙俸款雖微皆得實用文風進步實有賴焉雖政尚嚴執稍近

原書 卷之五

字錢如貴州人光緒三十一年任通俄日攝兵漢姦俗名曰肆毒稍曉俄語者即以之欺詐平民受

其害者不可縷指公按法誅通事李姓曲姓二名其患稍息民甚賴之創立學堂亦任內經始勸辦

本境地處遐僻界鄰蒙域非官軍聲所及為盜賊出沒之區同治四年鬍匪倡亂嘯聚一二萬人殺傷官府焚掠居民闕野蕭然尤為劫運設治之後匪患稍戢越十數年而有甲午之役又數年而拳民之既日俄之戰相繼以起茲就地方所經歷與有關乎時局者謄據錄以志之

甲午之役治境距前敵尚遠雖警報數至而地方未嘗動擾迨庚子拳民肇釁歷春至夏謠傳蠢起無稽未經之說愚民爭相竊議皆以為北宋之丁甲神兵且有謂內省已獲勝仗者於是本境及左

近鄰封匪徒亦多響應

有法師掌教等名目

邑宰范貴良特以鎮靜典史隆釗彈壓有方故商民雖受驚恐未

遭損害先是俄人在縣治南九十里之公主嶺設鐵路三站亦一絕大區埠也至是俄國兵民之搬取什物燒毀房舍奔竄歸國者絡繹不絕又數日俄退畧盡土匪漸滋六月十八日長春府營弁阮

遣謀巡察至境且防俄兵之過境焚掠者探有俄兵一隊遑至阮營弁帶馬隊二十名步隊五十名至本境南界之平頂山西遇俄前哨十餘名發槍奮擊行將盡殲不虞後路俄兵三百餘一擁而至致我兵馬步隔絕不相救應阮營弁隨陣沒少頃步隊亦戰潰俄兵縱火焚燒居民被災者且百餘家是役也我兵死者三十餘人俄兵死者二十一二人居民十餘人蓋由於眾寡懸殊救援無絕故軍心甚勇而卒以敗聞時甚惜之九月俄軍自北路南下先至長春府界內謝敬之太守欽奉

不戰之議與俄軍升相見以理論之以誠結之因應咸宜措施得免於戰不殊長春商民盡受其福而懷邑適當其後獲慶安全微謝公之力曷可臻此二十七年去任懷邑商民思其德贖資購石勒碑以志之懷邑地屬邊荒盜匪乃於二月初六日劫廖西行言語不通辯訴無術至鐵嶺縣將置於死通聞其前軍敗衄倉皇北奔方縱使歸至三站又幽困多日始得復任吁亦險矣而俄人之擾害治境從此更層出不窮茲分志於後

一曰搜軍器也懷境多盜居民非槍械無自衛爭相購藏由來已久俄軍來境之後挨戶搜查有被獲者即以甲千目之

俄謂鬍匪曰步魯甲千

除軍器被毀外必破產賂以重金始得免其一死良民之受其擾

累者殆什居六七焉

一曰查間諜也日俄文關兩國偵探互防間諜到處搜尋於是有中國人之能通日俄語者目為牛馬導之以行治境嚴責民戶稍忤其意即指為奸細嗾令彼嚴刑拷問以行其訛詐需索之術非飽其欲不去得財則與彼族朋分境內騷然幾無寧日民之被害者不可勝計

一曰號糧草也俄軍北來努秣資糧輜輪不繼於是分往四鄉硬索糧草奸黠之徒遂倡為合眾供應之議令左近民戶各出糧草既盡而若輩之誅求無已足亦俄患之一也

一曰食耕牛也農戶養牛數頭以供用牧之原野既尙芻料且易蓄滋賴以為生者甚眾俄人見輒

驅去漸少則繼之以鷄丰歲之間二者幾無遺種

一曰招降隊也兩國軍興鬪匪竊起地方官畏其黨衆權宜應變或以智取正法或以收撫納款有綽號小純字即趙蘭亭者先降奉化縣繼復叛而降本邑俄人以其毀鐵路故入境綁去解赴哈爾濱復知其夙賊慣戰能為彼用仍令來懷德招降二百名輔以俄兵百名使之保守鐵路擅作威福擾害地面尤甚俄去後為其所殺

一曰築土路也橫豆境內者凡四一至長春府北界經縣街而西至赫爾蘇河

即卜達河也

公境一自長

春府稍北經縣治南十二里一在縣治南四十里一在縣治極南境近柳條邊路寬三丈六尺低窪泥濘處伐木聚土高處挖之使平兩邊壕深三尺既便馬車轉運而兵隊進退又無陷淖失路之虞此節祇侵佔田畝損傷禾稼尚無他害以俄之紀律嚴明而漢姦游騎尚乘隙肆毒若此吁兵固可畏哉三十二年七月趙小純字餘黨綽號大老痞即田惜聚衆二十餘肆行搶掠適直隸軍門銜勳駐兵昌圖府其分隊張營弁帶兵百餘來本境原為剿除賊匪鎮壓地面聞警調本境巡兵合所帶隊共二百餘外尚有長春巡兵督餉尾追及於縣治西界之遼河套民戶院內縱兵圍擊賊初於院內支拒少間突出衝擊官軍逸而北去張營弁隊兵死者七八人本境統巡唐王和什長商得勝陣沒巡兵死者二人長春府巡兵亦有傷亡統計弁兵死者十三人被傷者六七人祇獲賊一名傷

賊二三名得不賞失軍氣頗為之挫弱是谷處搜俘賊亦鮮漏網者

氏族

道光初年放荒招墾居民由金復州等處遷來者曰南城人居什之六由承德府一帶遷來者曰西城人居什之三由直隸遷來者曰關裏人居什之一皆不遠千里分土受廛然貧民居多於耕稼謀食外既無縉紳巨族矜式閭閻復鮮絃誦世家漸摩里黨迨至光緒三年本境設縣治建學校文明漸啓始有重學問入仕途者然謂之大姓似仍未也茲擇其來此年久人丁蕃衍家教整飭者列之於左

趙姓

居北振康社距縣治四十里由晉趙氏分派乾隆年由山左遷居本境歷傳四世人財之旺實冠本境趙晉臣由舉人現充禮部郎中

畢姓

居北振康社與趙姓為鄰由畢公得氏乾隆初年由山左遷本境今歷四世人丁蕃衍現雖析居每戶尚百餘口

劉氏

自堯得氏先世居址代遠年湮無可考証嘉慶初年由山左遷居本境即今之北平安社也距縣治

十二里來本境三世耕讀傳家劉海春現充本境學堂總董

本境在省城東北距五百四十里在府城東北距三百里也勢東南西北稍極寬敞而缺東缺北縣治又在極東北處正東十里界長春府東南百二十里伊通州邊門正南九十五里柳條邊西南百一十里赫爾蘇門皆界伊通州正西以赫爾蘇河分界西即奉化縣河折而西稍西北百三十里哈拉把山山之東有蒙古南北邊壕一道壕以西遼源州界遼源州之南奉化縣之北尚有一角與康平縣接壤極西北百三十五里界蒙古荒近西北八十里正北二十里皆界長春府境內舊分十八社今縣治一社為巡警中路外十七社內添置巡警二十六區其界址里數詳列於後

一南保艾社之中即縣治也東界南遵儀北遵儀二社東南界北裕豐社南西二里界北平安社北界中保艾社東西二十里南北十里十一二里不等公署學堂巡警

詳各分類橋梁路

詳道祠廟有公產者

縣治東街關帝城隍娘娘各廟皆前後殿西則財神鬼王二廟一脈分院住持僧共約七八人

一南遵儀社縣治正東偏南東界長春府東南界新民社南界南裕豐西界北裕豐南保艾二社北界北遵義社東南西北斜長四十五里東西十五里界之東鄰有小鎮曰大嶺小生理十餘戶鎮之

東街即屬吉林長春府界是為東路第一區距縣治四十里又鎮西十五里之永發屯為東路第二區距縣治二十五里廟有住持僧

一北裕豐社縣治東南東界南遵義社東南連南裕豐社南接南平安社西界北平安社北界南保父社東南西北四十里東西十二里十五里不等社內平台子屯為東路第三區距城二十五里

一北平安社附縣治南西二面東界北裕豐社東南界南平安社南及西界中振康社西北之南界北振康社北界中保父北保父二社東南西北七十里東西二十里十里不等社內三道崗為西路第一區距縣治三十五里西北二十里榆樹堡為北路第四區距縣二十里極西北三教寺為北路第三區距縣治四十里

一中振康社縣治西南東界北平安社東南界南平安社南界南振康社西界遼河北界北振康社南北五十里東西二十里社內大榆樹鎮為西路第一區距縣治四十里

一新民社縣治東南東界長春府南界柳條邊西界南裕豐社北界南遵義社東南西北五十里東西二十里十里不等社內姚家燒鍋為東路第七區距縣治百一十里

一南裕豐社縣治東南東界新民社南界柳條邊西界和悅社西北界南平安社北及東北界北裕豐南遵義二社東南西北五十五里東西三十里二十里不等社內五家鎮為東路第四區距縣治五十里又宋家店為東路第六區距縣治七十五里五家子廟平頂山廟蔡家廟

一南平安社縣治正南東及北界北裕豐社東南界南裕豐社南界和悅父彝二社西界南振康中

振康二社西北界北平安社南北二十五里東西二十里鎮曰黑林子距縣治五十里商務稍遜縣治實所屬巨鎮也是為南路第五區稍西北八叉溝為東路第五區距縣治三十五里鎮街有關帝廟鎮南二里娘娘廟

一南振康社縣治西南東界南平安文彝二社南界長壽萬寶二社西界遼河東西三十里南北二十五里有鎮東頭曰朝陽坡西頭曰新河口街長五里渡口橋有劉家義船渡來往行人車輛今劉姓已式微矣商務類五家子距縣治七十里為縣治西路第四區社東南公主嶺嶺上小城一距縣治八十里社西北小城一距縣治六十里均無考又鎮東十五里石頭廟子為西路第五區距縣治六十里鎮街有廟又鎮東北有娘娘廟

一和悅社縣治東南東街南裕豐社南至柳條邊西界文興社北界南平安社南北五十里東西二十里社西北小城一無攷社內三合屯為南路第六區距縣治八十里稍東南龍家屯為南路第七區距縣九十里

一文彝社縣治正南東界和悅社南界柳條邊西界長壽社西北界南振康社北界南平安社南北三十五里東西二十里社內小城一無考社西南石頭哨為南路第一區距縣治九十里石頭哨之左有萬壽山廟

一長壽社縣治正南東界文昇社南界柳條邊西界萬寶社北界南振康社南北三十里東西十五里社內鐵路三站為南路第二區有文步局派委員駐之距縣治九十五里稍東北聚升福為南路第三區距縣治九十里

一萬寶社縣治西南東街長壽社南界柳條邊西界遼河北界南振康社南北三十五里東西二十里十五里不等社內山梨紅歲為南路第四區距縣九十里

一北遵義社縣治東北東界長春府南界南遵義社西界南保艾中保艾二社西北界北保艾社東南西北八十里東西十里五六里不等社內石佛廟距縣治四十里

一中保艾社縣治正北東界北遵義社南界南保艾社西界北平安社北界北保艾社東南西北五十里東西二十里社內黃花甸子廟距縣治十五里

一北振康社縣治東及北界北平安社南界中振康社西南界遼河西及西北界西振康社北保艾二社東西四十五里南北二十里社內八屋鎮小商戶三五家為西第三區距縣治七十里高家窩堡為西路第六區距縣治四十里小城一距縣治三十里年代無考

一北保艾社縣治西北東界中保艾社南界北平安西振康二社西界蒙邊壕北界蒙古荒及長春府東北界北遵義社東西九十里南北四十里社內東境楊大城鎮距縣治七十里商務與黑林鎮

鎮相埒經庚子兵燹稍見蕭條鎮東雙龍泉為北路第一區距縣治四十里西境姜家莊為北路第五區距縣治百里再西柳條溝為北路第二區距縣治百一十里鎮街廟住持道歷傳多得宗派且殷實為境中諸廟冠

一西振康社縣治西北東界北振康社南界遼河西界蒙古邊壕北界北保父社南北三十里東西六十里社內後二秋屯第西路第七區距縣治百二十里土多沙磧與北保父社相類西北一帶又與蒙荒接壤鬻匪出沒不常故地甚遼闊而居鮮少